

راجع لك يا رب | الحلقة (50) | #قوارير | د. حازم شومان

حازم شومان

قل هذه سبيلي ادعو الى الله على بصيرة انا ومن اتبعني وسبحان الله وما انا من المشركين السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. لبيك وسعديك والخير كله في يديك - [00:00:00](#)

الشر ليس اليك انا بك واليك. انا بك واليك تباركت وتعاليت. اتيتك اعلن ذلي وفقري اسفح بين رياضك زهري. اتيتك انت حبيبي ورببي. وانت محير قلبي وفكري. اللهم صل على عبدك وحبيبك ووليك محمد صلى الله عليه وسلم. يا جماعة عايزين النهاردة نعيش مع اخطر موضوع ممكن نسمع - [00:00:32](#)

عنه في حياتنا كلها. عايزين النهاردة نعيش مع اخطر معنى الم حياة الناس. لما دخل في قلوب الاولياء والصديقين والشهداء قلب حياتهم كلها عايزين يا جماعة عايزين فيه ناس يا جماعة بتيجي لربنا برجليها وناس بتيجي بقلبيها. انت جاية برجليك ولا بقلبك. انت جاي برجليك ولا بقلبك. يا اللي خطيبة مصاب - [00:01:02](#)

انك تلبسي نقاب ولا بسة نقاب عشانه. يا اللي جوزك لبسك نقاب او حجاب ولا بساه عشانه. يا اللي خطيبتك عايزاك تلتزم وبتصلي وبتلتزم عشانها. انتم جايين لربنا برجليك احنا عايزين نيجي لربنا بقلوبنا يا جماعة بقلوبنا فيه فرق بين اللي بيحي برجليه واللي بيحي بقلبه اللي بيحي برجليه ربنا بيعامله معامله واللي بيحي بقلبه بيعامله معامله - [00:01:22](#)

تانية خالص. قاتل المائة اللي قتل ميت نفس وهو جاي لربنا سبحانه وتعالى وعايز يتوب. وبيقول راجع لك يا رب راجع لك يا رب يموت في الطريق يموت في الطريق ويزحف عشان يقرب من البلد اللي فيها الصحبة الصالحة. عشان يقرب من ربنا ويتوب الى الله سبحانه وتعالى. وربنا سبحانه وتعالى يحكم ان الراجل ده يرحم - [00:01:42](#)

يا رب يا رب يرحم ازاي ده قتل ميت نفس يا رب انه جاء مقبلا بقلبه على الله. يا رب ده قتل واحد راهب كان بيعبدك ليل نهار يا رب - [00:02:02](#)

انه جاء مقبلا بقلبه على الله. يا رب يا رب ده عمل كل الكبائر والموبقات يا رب. انه جاء مقبلا بقلبه على الله. يا حبيب ده انت كلمة يا رب بس لو طلعت من قلبك تخرق سبع سماوات كاملة لغاية ما تطلع لعرش الله سبحانه وتعالى ليه ؟ عشان طالعة من قلبك - [00:02:12](#)

مش طالعة من لسانك. يا جماعة احنا لو جينا لربنا بقلوبنا ربنا هيدينا ايه ؟ سيدنا موسى لما جه على ربنا بقلبه وقال له عجلت اليك ربي لترضى. ربنا قال له يا موسى اني اصطفيتك على الناس. انا اخترتك على كل البشرية يا موسى. اخترتك على كل الناس يا موسى. يا اخواننا يا اخوانا اللي بيحي - [00:02:32](#)

ربنا بقلبه ربنا بيخليك في ظل عرشه يوم القيامة. ليه؟ ورجل قلبه معلق بالمساجد. قلبه مع ربنا. لو انت جيتي لربنا بقلبك. يا رب يا رب احنا عايزين يا جماعة نقول يا رب سبحانك. يا من سبحت له الجبال بصخورها. وسبحت له الاشجار - [00:02:52](#)

فارهة وثمارها وسبحت له البحار بامواجها واسماكها. يا من سبحت له الافلاق بدورانها. وسبحت له بطوفانها يا من سبحت له الطيور بخفقانها. يا من سبحت له الوحوش بزئارها. يا رب عايزين نقول - [00:03:12](#)

كل ساعة على وجه الكرة الارضية فيه مليون نوع من انواع الكائنات الحية. كل ساعة بيتولد ملايين الاصناف في البر والجو والبحر. كلها من ما بتتولد وهي بتقول سبحانك! وهي طالعة ما تعرفش غير ربنا وبتسبح ربنا سبحانه وتعالى. عايزين نعرف عظمة ربنا. يا اخوانا احنا عايزين نيجي لربنا بقلوبنا - [00:03:32](#)

درس الليلة هدفه ان احنا ما نجيش برجلينا. نيجي بقلوبنا ان شعار حياتنا يبقى راجعين لك يا رب. راجعة لك يا رب. راجعة لك يا رب.
انا جاي لك يا رب - [00:03:52](#)

جاي لك بقلبي والله العظيم ما هو برجلي. جاي لك يا رب بقلبي وراجع لك. بس عشان يحصل ده لازم نعرف ربنا. وهو ده هدف درس الليلة. كفانا يا جماعة كفانا غفلة عن مدى فقرنا الى الله. ومدى احتياجنا الى الله سبحانه وتعالى. كفانا غفلة عن مدى عظمة الله وجلال الله. وكمال الله كفانا - [00:04:02](#)

عن مدى فقرنا الى الله. انا عايزك لما تسمع عن فقرك الى الله تعرف انت محتاج له قد ايه. وتقول رجع لك يا رب. راجع لك خلاص يا رب. الشمس - [00:04:22](#)

لو انت الشمس نورت لك في طريق انت ماشي فيه. تحتاج نور وناسة ولا نور لمبة! مش ممكن خلاص. طب لو ربنا نور لك طريقك هتحتاج مخلوق؟ طب لو ربنا هو اللي سندك في طريقك وفي حياتك. طب لو ربنا كان معك وربنا امدك بقوته وبمدده هتحتاج حد مش هتحتاج حد بعده. خلاص لو - [00:04:32](#)

ربنا سبحانه وتعالى كان معك. ده يقول لك الوزير الفلاني بخطة قلم منه. بخطة قلم يقضي المصلحة. بخطة قلم يهدم بيوت. بخطة قلم يبني مستشفيات ومصانع بخطة قلم وبامضة بسيطة صغيرة كدهوت يرفد ناس ويعين ناس. يا اخوانا ده ده مخلوق! ده بشر! امال الملك العظيم! الله الجليل ملك - [00:04:52](#)

اهو المهيمن اللي مهيمن على عينيك وعينيك اللي بتبص على الشاشة بها الوقتي اللي مهيمن على لساني في كل حرف بنطقه. اللي مهيمن على قلبك وانت بتسمع عنه. اللي مهيمن على قلبي وانا بتكلم عنه. اللي مهيمن على مصيرنا ساعة ما ننزل تحت التراب - [00:05:12](#)

ونبقى من ايديه. الله العظيم سبحانه وتعالى يملك انك انت تصح او تمرض. انك ترفع او تخفض. انك تنزل او تعز. انك انت تفتقر او ارزق انك انت اي حاجة الله سبحانه وتعالى هو اللي يملكها لك. يا جماعة انتم عارفين احنا بنبعث ازاي؟ عارفين من تحت التراب بنبعث ازاي؟ عارفين في الجيش لما يضرب البوق - [00:05:27](#)

عسكري اول ما البوق يتضرب العسكري ده كان تحت السرير وده نايم وده في الحمام وده هنا كله يجري كل واحد عارف مكانه في الصف كلهم يقفوا في طابور واحد في صف واحد. كل واحد عارف مكانه. كذلك يوم القيامة. لما كلمة كن تصدر انت زرات تراب جسمك في في الارض كلها. ذرة التراب دي - [00:05:47](#)

البحر الابيض المتوسط عارفة مكانها في كتك. وزرة التراب دي تيجي من بحيرة ناصر عارفة مكانها في كبدك. وزارة التراب دي تيجي من اقصى الارض عارفة انها في القلب ودي في العين ودي في الودن كل زرة عارفة مكانها. لانهم جنود يا جماعة جنود لله. جنود للملك العظيم. عشان كده اول ما تقف بين ايدين ربنا - [00:06:05](#)

ايدك ورجليك وجسمك يشهدوا عليك ليه؟ لان ولانهم لربنا مش لك اصلا دي جنود. في ايده مش في ايدك. ودي بتبقى اكبر صدمة الواحد بها يوم القيامة. ايه هي؟ ان هو ما كانش يملك حاجة اصلا. ان حتى جوارح جسمه كان ولانها لله. انه كان مغيب عن اخطر حقيقة في الدنيا كلها. بل - [00:06:25](#)

اخطر حاجة في الكون كله عظمة الله. وجلال الله سبحانه وتعالى. انا عايز اقول لكم في الاول الصدمات اللي ممكن اللي ما عرفش ربنا ياخذها يوم القيامة. اللي ما جلال ربنا ياخذها يوم القيامة. اول صدمة هياخذها ساعة ما يقف بين ايدين ربنا سبحانه وتعالى. ويلقي جوارحه بتنطق عليه ويكتشف ان كل زرة في جسمه - [00:06:45](#)

كانت جندي عند الملك العظيم. تاني صدمة بياخذها. انتم فاكرين يا جماعة ان الشمس والقمر والارض المسيرة والانهار والمياه اللي بتنزل من الحنفية والسحب فاكرين دي بتاعتنا؟ يا اخوانا احنا في الارض عاملين زي ناس ساكنة في شقة ايجار مؤقت مش بتاعتهم - [00:07:05](#)

كل ده مش بتاعنا، كل ده في لحزة هيتاخذ معنا. كل ده في لحزة. فجأة هيتاخذ كله ونلاقي الكون كله اتقلب. ونبقى كلنا واقفين

ساعتها الدنيا بتتفضح. الدنيا اللي نهاتنا عن جلال الله وعظمة الله. غير صدمة الميزان. لما كل واحد فينا يتحط في الميزان ويعرف لاول مرة عند ربنا كان ايه؟ يا ترى انت وزنك عند ربنا قد ايه؟ يا ترى انت وزنك عند ربنا قد ايه؟ لما اتكلمنا الاسبوع اللي فات يا جماعة قبل ان يوضع الميزان وتوزن - [00:11:10](#)

مع الصحابة في ميزان واحد عايزين نفوق ونعرف احنا وزننا قد ايه. يا ترى وزننا قد ايه؟ كفانا غفلة عن مدى افتقارنا الى الله. وحاجتنا الى الله انا عايز قلبك يبدأ يهتف معي. راجع لك يا رب. انا عايزك تبدأ. خلاص دماغك انا عايز وديك تبدأ تدخل الكلام على قلبك. وقلبك يبدأ يشتغل معي راجعة لك يا رب - [00:11:30](#)

خلاص جايين لك يا رب. جايين لك احميننا من نفسنا يا رب. على بابك يا رب. مش هنسيب طريقك يا رب. راجع لك يا رب. كفانا غفلة يا جماعة. كفانا غفلة عن - [00:11:50](#)

عظمة علم الله علم الله انت عايز تكلمني عن علم الله والله العظيم المواضيع ديت لو دخلت في قلوبنا قلوبنا هترتجي في قلوبنا هتفتت زرة زرة بين ايدين ربنا واحنا في السجود في التلت الاخير من الليل. علم الله ربنا يقول - [00:12:00](#)

سبحانه وتعالى وعنده مفاتيح الغيب لا يعلمها الا هو. ويعلم ما في البر والبحر. وما تسقط من ورقة الا يعلمها كل ورقة شجر الوقتي حالا اهو في كل الغابات الاستوائية. وكل الحدائق وكل الروضات وكل الاشجار حالا اهو يا جماعة. ربنا شايفها كلها - [00:12:15](#)

ورقة ورقة في الكون كله وكل ورقة نوع ساقطة من شجرة نوع غير التاني. ربنا يرى شكل كل ورقة غير التاني. كل ورقة دلوقتي وهي بتسكت ربنا شايفها من فوق سبع سماوات - [00:12:35](#)

حالا اهو وخدوا بالكم لو شجرة فيها مليون ورقة وقعت منها ورقة اذا كان ربنا يعلم اللي وقعت ما يعرفش اللي لسة بتسبح على الشجر يبقى حتى لسة على الشجر ربنا يعلمه. يعلمه ليه؟ لانه بيرتب رزقي وورقة ورقة لسة على الشجر. زي ما بيرتب رزق سمكة سمكة في البحار والمحيطات. زي ما بيرتب رزق - [00:12:45](#)

نملة نملة في كل مكان في الكرة الارضية. الله! وما تسقط من ورقة الا يعلمها. ولا حبة في ظلمات الارض. ولا محبة يا جماعة كل حبة موجودة في ظلمات الكرة الارضية. موجودة في ظلمات الكرة الارضية يا اخوانا الحبة. يعني تخيل البزور اللي في الصحاري البزور اللي في الجبال - [00:13:05](#)

اللي في الاراضي الزراعية الله سبحانه وتعالى يعلمها كلها ويعلم هتنتب امتي وهتطلع ايه والثمار اللي هتطلعها مين اللي هياكلها على وجه الكرة الارضية ربنا يعلم كل ده سبحان الملك العظيم. يعلم ما في البر والبحر ما في البر. فيه غابات لغاية دلوقتي ما فيش رجل بشرية دخلت فيها. ربنا اللي يعلم كل اللي فيها والكائنات اللي - [00:13:25](#)

في جزر في المحيطات ما فيش رجل وطأتها ربنا اللي يعلم كل الكائنات اللي فيها والاحداس اللي فيها. فيه يا اخوانا الوقتي صحاري ما فيش رجل بشرية دخلتها تقدر تدخلها. ربنا يعلم كل الكائنات اللي فيها سبحانه وتعالى. يعلم الوقت فيه نمل فيه نملة صغيرة في الصحراء الشرقية يعلمها. وفيه فار صغير - [00:13:45](#)

على جبال الهيمالايا. ربنا هو اللي يعلمهم ويرتب لهم حياتهم ومعاشهم. ويعلم ما في البر والبحر يعلم اللي في البحر سبحانه وتعالى. ربنا يعلم كل حاجة في البحار كل اي حاجة موجودة في اي بحر. سمكة سمكة موجودة دلوقتي في اي محيط ربنا يعلمها. وحوت حوت وشعبة شعبة من شعب المرجانية. ربنا - [00:14:05](#)

سبحانه وتعالى يعلم كل حاجة. لو رحنا لعلماء البحار جمعناهم الوقتي قلنا لهم لو سمحتم النوع الفلاني من السمك الفلاني. فيه كم سمكة منه في المحيط الاطلسي هيقعدوا يضحكوا انتم بتقولوا ايه؟ احنا ما نقدرش نعرف الكلام ده. الله يعلم. سبحانه وتعالى. كان القرن اللي فات بيقلوا ان على وجه الارض ربعمية من ربعمية الف نوع من انواع الكائنات - [00:14:25](#)

الحقيقة بعد ميت سنة قالوا لأ دول مليون نوع وكل يوم بيكتشفوا انواع جديدة انواع جديدة عظمة الملك ربنا يعلم نملة نملة يعلم واحدة واحدة تفصيل ويعلم سمكة سمكة وحوت وحوت ووحش وحش يبقى اللي بيعلم كل ده. ما يعلمكش انت خدوا بالكم يا اخوانا ان كل الحاجات اللي انا قلتها دي حاجات متحركة ورق الشجر اللي بيقلع - [00:14:45](#)

واللي رطب واليابس يعني كل ده ربنا ده كل ده حاجات بتتحرك. انت لو راقبت اتنين بيتحركوا عقلك يشد تنوه. ربنا يعلم حركة كل الناس دي. اربعة مليون واحد بيقفوا على جبل عرفات ده بيبيكي ويبيدي بالهندي. وده بيتوسل وبيستغيس بالصيني. وده بيبيكي وبيبتهل بالعربي - [00:15:06](#)

وده بيطلب من ربنا بالانجليزي وده بيهتف وده بيناجي وربنا سامع كله. النهاردة كت نازل اصلي قلت سبحانك يا رب ملايين الناس دلوقتي كلها بتسجد لك في المساجد مع بعض كلها. يا رب انت انت شايف الوقت قلب قلب من قلوبنا كلنا. شايف قلوبنا وشايف اللي فيها سبحانك. من فوق سبع سماوات - [00:15:26](#)

مين اللي في قلبه حيك؟ ومين اللي في قلبه خطيتك؟ ومين اللي في قلبه اللي هو اعرض عنك حتى وهو بيصلي. يا جماعة ده باشرب يعني الواحد بيشرب مية يقول سبحانك يا رب. قطرة - [00:15:46](#)

قطرة من الماية ديت من خزائن كرمك يا رب. يمشي في الشمس يقول يا رب شعاع شعاع من اشعة الشمس دي من خزائن كرمك يا رب. يا رب يا ما انت كريم يا رب ويا ما انت عظيم يا رب العالمين. انتم فاكرين يا جماعة ان ربنا زي ما يعلم الانسان واحوال الانسان كلها ويعلم كل حاجة في الكون ما يعلمش - [00:15:56](#)

احوالك واحوالك اللي يعلم نملة نملة ما يعرفش انسان انسان ربنا يرى الوقت دمك اللي ماشي في جسمك وكرات الدم الحمرا وكرات الدم البيضا والخلايا مرات اللي جوة الكرات دي والكرات دي يبقى ما يعلمش الخواطر اللي في ذهنك وما يعلمش الشهوات والشبهات اللي في صدرك. وما يعرفش الامراض والمشاعر اللي في قلبك - [00:16:16](#)

يبقى ربنا سبحانه وتعالى يا جماعة ما يعلمش سبحانه وتعالى الملك الجليل. المعاصي اللي احنا بنعملها في العن والسر. ما يعلمش ده صفقة عمرنا ان احنا بالله. اي والله العليم بكل شيء. لو احنا جينا له حياتنا كلها هنتغير والله العظيم. سبحانه وتعالى. يعني حتى البعوضة - [00:16:36](#)

والله يا جماعة. البعوضة يا من يرى يا من يرى مد البعوض جناحها في ظلمة الليل البهيم الليل. الشاشة الوقتي لو بقت سودا هتشوفوا حاجة ويرى نياط عروقها في نحرها والمخ في تلك العظام النحالي. الله اكبر! الملك العظيم شايف كل ده - [00:16:56](#)

ربنا الجليل شايف كل ده سبحانه وتعالى. اي والله يا جماعة. فاحنا لو عرفنا قد ايه ربنا عليه. قد ايه ربنا عنده علم سبحانه وتعالى. ربنا بيقول الله يعلم ما تحمل كل انثى. ملايين الحوامل على وجه الارض يعلم اللي في قلوبهم اللي اللي في بطنهم الوقتي. هو من وسط السائل المنوي فيه ميت مليون - [00:17:16](#)

حيوان منوي جواه ميت مليون انه حيوان منوي اللي هيوصل للبيضه؟ غيب طب اللي هيوصل للبيضه ويلقحها يبقى ذكر ولا انثى؟ غيب الله! طيب بعد ما يلحها ويبقى ذكر او انثى شكله ايه؟ وطوله ايه؟ وعرضه ايه؟ ولون عينيه ايه؟ وطول شعره ايه؟ ولون شعره ايه؟ عيب الله! طب بعد ما يكبر ويخرج من بطن امه - [00:17:36](#)

هيبقى مستقبله ايه؟ وهيموت امتي؟ وهيبقى شهادته ايه؟ وهيتجوز مين؟ وهيخلف مين؟ وهيعيش بطريقة شكلها ايه؟ وهيسافر فين؟ غيب. يا ابني انت مستقبل حياتك ما حدش يعرفه غير ربنا. انتم عارفين يا جماعة احنا مستقبل حياة كل واحد مننا عامل زي ورقة مكتوبة مكتوبة بس بالحبر السري. فتبص - [00:17:57](#)

مستقبلك كده تلاقى مستقبلك ورقة بيضا انت مش شايف حاجة ما انتاش عارف ايه اللي في المستقبل. انما ربنا يرى كل حاجة مكتوبة عليك سبحانه وتعالى. وبيجوا الوقتي يقولوا لك احنا عرفنا خلاص ما في الارحام. ازاي يا حبيب قلبي بالسونار. السونار الجهاز بتاع السونار بتاع الاشعة التلفزيونية اللي الست الحامل تروح يحط - [00:18:17](#)

الجهاز على بطنها يشوف شوية شبح كده جوة البطن يقول لها ده ذكر ولا انثى. كده عرفتم ما في الارحام؟ يا سلام يا رب! يا من تعظيم يا رب! يا من تعليم يا رب - [00:18:37](#)

يا ما انت عليم يا مولانا يا عظيم. ربنا بيقول يعلم ما يلج في الارض وما يخرج منها. يا جماعة احنا مش شايفين ان هو ربنا شايف.

شايف ملك ملك نزل للارض وطالع منها. وشايف دعوة دعوة من دعوات المؤمنين - [00:18:47](#)

طالعة للسنة والاجابة وهي نازلة وشايف نملة نملة وهي بتدخل في جحار بتطلع منه. وشايف حالا اهو دودة دودة وهي بتتحرك تحت الارض في مسارب الارض ربنا يا جماعة شايف كل ده سبحانه وتعالى. شايف روح من ارواح المؤمنين وهي بتتصعد للسما. وبيتفتح لها ابواب السما. وقطرة قطرة من قطرات المطر - [00:19:01](#)

وهي نازلة من السحاب على الارض علينا. ونملة نملة وهي بتتحرك ربنا يارا يا جماعة. ده ربنا يرى الايمان وهو بيخرج من قلبك ويدخل في قلبك. مش بيتلى الناس على قدر ايمانهم - [00:19:21](#)
يبقى ربنا يعلم منسوب الايمان في قلب كل واحد من اللي قاعدين قدامي الوقتي منسوب الايمان في قلوبكم كلكم الله يعلمه. وبيعاملك على قد منسوب الايمان ده. يا ما انت عليم يا رب. يا ما انت عليم يا رب - [00:19:31](#)
يا اخوانا يا اخوانا عايزين نهتف بقلوبنا راجعين لك يا رب راجعين راجع لك يا رب. راجعة لك يا رب يا رب انت عظيم. انا ما اقدرش. ما اقدرش انك تبقى بالعظمة دي - [00:19:44](#)

وانا اعرض عنك ما اقدرش. طب ولما اجي يوم القيامة واشوف جلالك واشوف جبروتك وملكوتك. هندم قد ايه ؟ والله العظيم هيبقى ندم اشد من الندم ساعة رؤية جهنم. ياه! اي والله! لان ربنا اعظم يا جماعة! لان الخسارة بعدم معرفة الله اعظم من اي خسارة حتى لو الرمية - [00:19:54](#)

في جهنم. عشان كده العلماء قالوا اشد من عذاب جهنم الاليم. الحرمان من النظر لوجه الله الكريم. انك ما عرفتوش ده اعظم عذاب اعظم من جهنم. لازم تعرفيه. لازم نيجي بقلوبنا. لازم نيجي بقلوبنا مش برجلىنا لربنا سبحانه وتعالى يا جماعة. كفانا غفلة يا اخوانا. كفانا غفلة - [00:20:14](#)

حمادة رحمة الله اللي احنا بنعصيه الوقتي. بنعصيه في بلاد الاسلامية زي المعاصي اللي برة البلاد الاسلامية. ما عدا معصية الكفر والحمد لله اللي قلوبهم اسودت في بلادنا. يعني يا جماعة تخيلوا رحمة ربنا بنا رغم كل ده. رحمة ربنا - [00:20:34](#)
نقطة الدم نقطة الدم اللي في جسمك او جسمك. يعني حد يشك نفسه كده يجيب نقطة دم يحطها تحت المجلسكوب عالم عالم نقطة الدم دي فيها جيوش جيوش من خلايا الدفاع برتب في عقيد وفي نقيب وفي اركان حرب - [00:20:51](#)

رتب جيش جواك في كل نقطة دم عشان يدافع عنك من جوة وجيوش تانية خلايا بتوصل كل زرات الاكسجين والغذاء لكل زرة في وفي جسمك وجيوش تانية عشان تزبط هرمونات جسمك وتزبط انزيمات جسمك ده ده كله في نقطة الدم وانت قاعدة قدامي الوقتي وكل نقطة في دمك - [00:21:08](#)

ملايين النعم من ربنا عليك. وملايين الرحمات من ربنا عليك. يا اخوانا يا اخوانا ده كل ده غير النعم اللي في الكبد واللي في الكلى. كان في في كلية طب كتاب بيتكلم عن وزايف الكبد في جسم الانسان اكثر من خمسمية وزيفة. خمسميت وزيفة يا رب. شوفوا النعم اللي واحنا قاعدين - [00:21:28](#)

اساتزة المدرسين بتوع الفيزياء والكيميا والاحياء. علماء الاحياء. دكاترة الامراض الدم اللي بيشفوا الدم تحت الميكروسكوب. الاطباء بتوع التشريح وجسم الانسان يا اخوانا دكاترة كليات علوم وكليات ازاي ما تسجدوش لاله الكون العظيم؟ بل كلنا والله العظيم. ازاي ما نخر الساجدين لله العظيم سبحانه وتعالى - [00:21:48](#)

النبي كان بيقول لربنا ولا تكلمي الى نفسي طرفة عين ليه؟ اصل طائفة عندي اسهل حركة. فالنبي بيقول يا رب ما اقدرش ان انا اعمل حاجة ولا حتى اسهل حركة. مش بس كده. ده ده معنى جميل. فيه معنى اكبر. ان طرفة العين - [00:22:08](#)
حركة لا ارادية لا ارادية انا وانا قاعد قدامكم ممكن اطرف بعيني وانا مش واخذ بالي لا ارادية. لو ربنا خلاك الحاجات اللا ارادية اللي هو توكل بها عنك خلاك انت اللي تزبطها. قال لك بص بقى زيبط سكرك وضغطك وانزيماتك وهرموناتك يا رب. ما اقدرش يا رب ده

شوية سكر بس بيعلوا عند واحد بيعملوا مضاعفات - [00:22:25](#)
قد ايه وامراض قد ايه؟ تخيل لو ربنا وكل لك تظبيط جسمك من جوة. والضغط ضرب والسكر ضرب والانزيمات ده انزيمات المعدة لو زادت شوية تبقى نار جوة البطن. ولو قلت شوية حنة اللحمية تحتاج خمسين سنة عشان تتهضم. يا رب ما اقدرش يا رب. ما

اقدرش. ده الهرمونات هرمون واحد - [00:22:45](#)

يختلف جسم الانسان بحياته كلها بيتألم فيها لغاية ما يلقي ربنا سبحانه وتعالى. عذاب اليم. امال لو قال لك زيت الشمس والقمر بقى يبقى كل الارض براكين وزلازل عصير لغاية ما الابداء الشاملة تتم. احد المتخلفين البلهاء الف كتاب في الغرب اسمه الانسان يقوم

وحده. يعني ما احناش محتاجين - [00:23:05](#)

اليوم مش محتاجين لربنا اه يا غبي اه يا غبي لو ربنا سابك بس وكلك لنفسك في حاجة صغيرة في جسمك. احد الناس الافاضل ربنا

يرحمه يا رب ويغفر له يا رب. كان بيقول لي كان جا له سرطان في المثانة الله يرحمه وعملوا له عملية - [00:23:25](#)

ركبوا له يعني قطعة من الامعاء مكان المثانة. فالدكتور قبل ما يخرج قال له بص انت الوقت ما عدتش المسانة الطبيعية. المسانة كان ربنا مرتبها رباني انك وقت ما محتاج تدخل الحمام تدخل. انما دي قطعة من الامعاء. لازم كل ساعة ليل او نهار تدخل الحمام. الراجل

يا جماعة دا واحد ربنا وكل اليه بس - [00:23:40](#)

حاجة واحدة دخول الحمام بيقول لي انا عمري ما دقت متعة النوم ساعتين على بعض الا الوقتي. الله يغفر له ويرحمه. تخيلوا يا

اخواننا. تخيلوا يا جماعة ربنا لو نفسنا يا ايها الناس اذكروا نعمة الله. اصل ذكر نعمك يا رب بيرتب القلوب بيغسل القلوب يا رب. يا

رب عايزين نفتكر نعمه علينا يا اخوانا - [00:24:00](#)

احنا محتاجين حفظ في كل حاجة. انت ابنك وهو خارج من المدرسة بيجري ممكن يحصل له حاجة؟ بنتك وهي بتناديك من البلكونة

ممكن يحصل لها حاجة؟ ابن بنتك الصغنة وهي شايلة كوباية الشاي ممكن يتكب عليها - [00:24:20](#)

عينيك مش ممكن يدخل فيها حاجة. جلطة صغيرة في اي شريان في الجسم مش يشيل عضو او يموته. يا جماعة يا جماعة ده اي

واحد بيلف ملف بالعربية بس ممكن العربية - [00:24:30](#)

الم. لو انت مسافر على الطريق السريع كم فرصة للخطر مرت بك. احنا معرض محاطين بالاطار من كل ناحية. احنا محتاجين

الحفيظ في كل لحزة في حياتنا محتاجين حفظ ورحماته في كل لحظة في حياتنا. واحد هيقول لي طب استنى بس استنى علي. ايه

ايه يا عم الشيخ؟ والله انا بحب ربنا قوي بس انا عايز اسأل بس - [00:24:40](#)

هو ربنا ابتلاني بمرض ليه؟ مش انت بتقول رحيم؟ ما هو قبل ما بيتليك بمرض واحد خلق لك الف نوع دواء على وجه الارض قبل ما

بيتليك بابتلاء واحد فتح لك الف باب رحمة اليه. يا اخوانا ده هو قفل باب يعني يعني ابتلى في مرض واحد - [00:25:00](#)

كلمة يا رب منك قصادها تخترق السبع سموات بسبب مرضك وابتلاءك. كرامة لك عشان ابتلائك. يا جماعة لو نعرف المبتلين ربنا اعد

لهم في الجنة قصور واملاك قد ايه بسبب مرضهم ده تسعين في المية من اهل الدنيا بيقتلوا نفسهم عشان يجيبوا حاجة على مليون

منها ويبجي لهم سكر وضغط وكبد وكلى عشان - [00:25:19](#)

ورا الدنيا عشان يجيبوها وما بياخدوش اللي انت بتاخده بمرض صغير بابتلاء صغير. بابتلاء صغير من ربنا. يا جماعة يا جماعة وربنا

لما ابتلاك في جزء في حاجة عوضك في ميت حاجة بحاجات ما ادهاش لغيرك من النعم. يا جماعة ربنا كريم. ربنا عظيم.

اهل الكهف وهم في الكهف. واذا - [00:25:43](#)

سألتموهم اسمع الحقة الجميلة قوي دي. واذا اعتزلتموهم وما يعبدون الا الله فاؤوا الى الكهف. اهربوا بقى بدينكم للكهف. ينشر لكم

ريكمن من ايه؟ من رحمته من من يا جماعة دي كلمة تبعيض من يعني حاجة بس من رحمة ربنا تنزل عليك الجزء. تعالوا شوفوا الجزء

- [00:26:03](#)

الصغير من رحمة ربنا ربنا عمل لهم به ايه. تعالوا شوفوا لما ربنا رحمهم رحمة بس بسيطة. يعني ده كل رحمت الدنيا دي واحد في

من رحمة الله اصلا اللي في الاخرة. يعني واحد في المليون من واحد في المية من رحمة ربنا في الاخرة. شوفوا ربنا هداهم للايمان

من غير لا نبي ولا ولي ولا اي حد يعرفهم اي حاجة - [00:26:23](#)

ولا كتاب ولا علم. ثاني حاجة ربنا سبحانه وتعالى فجر لهم مية من بطن الجبل عشان يشربوا تالت حاجة شف ربنا بيقول ايه وترى

وترى اذا طلعت تزاوروا عن كفهم ذات اليمين. الشمس ربنا غير سننها تلتميت سنة. ثلاث قرون عشانهم. لما - [00:26:43](#)

جزء بقى عشان الشمس ما تحرقهمش وهم نايمين. لما جزء من رحمة ربنا بس اصابهم وتحسبهم ايقاظا وهم رقود. مفتحين عينهم ليه؟ البصل لو اتقفل لمدة سنة الانسان يعمى. ربنا حفز بصرهم ثلاث قرون ونقلبهم ذات اليمين وذات الشمال ليه؟ عشان الدورة الدموية ما تقفش. وقرى - [00:27:03](#)

راح الفراش ما تجي لهمش وهم نايمين. ثلاث قرون حافظ جسمهم وحافظ الكلب اللي واقف يحرسهم. تلتमित سنة عشان جزء من رحمة ربنا ربنا اصابهم. يعني يبشر لكم ربكم من رحمة. انت محتاجة رحمة. يا ما انت رحيم يا رب - [00:27:23](#)
يا ما انت رحمن يا رب. يا ما انت كريم يا رب. يا ما انت غني يا رب. يا اخوانا احنا عايزين نعرف عظمة الملك قد ايه؟ رحمة ربنا قد ايه - [00:27:40](#)

ربنا رحيم بنا قد ايه؟ لو حاجة بس العبد اللي كان بيقول لربنا نظرة يا رب نظرة نظرة من بحر جودك تروي كل من يرث قطرة بس من بحر جودك يا رب تروي البشر كلهم. احنا ما لناش غيره. والله العظيم انسان مغفل. غباء في غباء. ان الانسان يبعد عنه - [00:27:50](#)

او يسبب قيام الليل بين ايديه. او يسبب الصلاة بين ايديه. او يسبب طريقه. قلبك هتف معي راجع لك يا رب ولا لسة. قلبك هتف راجعة لك يا رب ولا لسة؟ راجعين لك يا رب. راجعين خلاص يا رب. عرفنا ان الدنيا مش هتنفعنا بحاجة. وعرفنا ان الاسباب والشهوات مش هتنفعنا بحاجة. وعرفنا ان الدنيا دي كلها مش - [00:28:10](#)
تغني عننا حاجة. احنا ما لناش غيرك. ما لناش غيرك يا رب العالمين. ما لناش حد بعدك يا رب العالمين. يا منت رحيم يا رب كفانا غفلة.

كفانا غفلة عن قدرة الله. قدرة الله. قد ايه الله قادر. يا ما انت قدير يا رب. ربنا يا جماعة - [00:28:30](#)
لما كان مع سيدنا موسى والله العظيم. الواحد لما تدبر فيها حسيت ان انا قلبي يعني قلبي بيتهز. قلبي بيتحرك. قلبي سيدنا موسى يا جماعة في لحظة ربنا شق له البحر الاحمر في لحظة عمل له كوبري بري في البحر الاحمر سيدنا موسى والجيش عدوا فيه كوبري - [00:28:50](#)

لو الدول الصناعية السبعة العظمى اجتمعوا وسخروا كل امكانياتهم عشان بينوا زيه ممكن ياخدوا شهور وسنين ده ان عرفوا يعملوه اصلا الماية وقفت كده وكده والارض اترصفت والارض اتسفلت والارض اتهدت. الكوبري البري اللي ربنا عمله لموسى في لحزة بقدرته. بكلمة كن - [00:29:10](#)

بكلمة كن الاله الخالق العظيم. الراجل اللي لما خاف من معاصيه قدام ربنا قال لولاده احرقوني. واطحنوني وانسفوا التراب بتاعي. فامر الله البر فجمع ما فيه. وامر الله البحر فجمع ما فيه. الراجل لقي نفسه واقف قدام ربنا. ايه يا رب ده! كل ذرة من - [00:29:30](#)
ذرات جسمه طارت في بحر ولا بر ربنا امرها ترجع للمكان اللي هي كانت فيه جنود عند الملك سبحانه وتعالى. حد يعرف لما دبانة تموت وتتحلل يرجع زرات ترابها ثاني - [00:29:50](#)

حد يعرف يركب ناموسة بعد ما الناموسة تموت؟ حد يعرف يركب اصغر حشرة بعد ما الحشرة تتحلل؟ ما حدش غيرك يا رب. ما حدش غيره قدير ما حدش غيره يقدر سبحانه وتعالى. يا اخوانا احنا ربنا لو معنا حياتنا هتتغير والله العظيم. لو ربنا مش معنا بقى ياه - [00:30:01](#)

ياه على الخسارة اللي الانسان بيخسرها. لما يخسر ربنا سبحانه وتعالى. الارض دي والله يا جماعة. بعد ما كان المتر في الارض بخمستاشر الف جنيه الكرة الارضية كلها ما تسوى ربع جنيه بعيد عن ربنا. ما لهاش قيمة غير به. يا اللي عندك حطة ارض المتر فيها بعشرين الف جنيه. يا حبيب قلبي فوق. فوق كفاك غفلة - [00:30:20](#)

الارض دي لو ربنا خد ميتته اللي على النيل اللي الارض دي بتطل عليها ارضك دي بعد عشرين الف المتر هتبقى بالفين بس. الفين بس تنزل كده لآ ولو ربنا كمان سبحانه وتعالى خد المعادن اللي في الجبال بتاعته فما عدش فيه حديد خرسانة ولا تسليح ولا صب خرسانة ولا رفع ادوار هتبقى الارض - [00:30:41](#)

دي ما تدفحش غير عشة فراخ هتبقى تمنها كلها متين جنيه. استنى ولو ربنا خد الفراخ كمان ما بتاعته ملكه سبحانه وتعالى من

خزائنه. ولو ربنا خد كمان ، انت عارف حضرتك هتروح فين ؟ لو الملك العظيم سبحانه وتعالى خد كمان الاملاك بتاعته هتبقى الارض بتاعتك ما تساويش ثلاثة مليون. يا اللي مستغنيين عن ربنا - [00:31:01](#)

منكم ما لكوش غيره يلي بعد عن ربنا رغم انكم ما لكوش ولا هينجدكم غيره. يا اللي ما ادكيش الجمال غيره ويقدر ياخده منك يا اللي ما ادكش العقارات والاملاك والاطيان غيره ويقدر ياخدها وياخدك معها تحت التراب - [00:31:21](#)

يا اللي ما ادكش الشهادات والدكتوراة والمخ اللي جبت به الدكتوراة غيره ويقدر ياخد منك كل اللي اداه لك. يا جماعة احنا بنتنمرد على ربنا ليه؟ شفنا النمرود خد ايه ؟ البعوضة دخلت في مناخيره فضلوا يضربوا بالراس براسه على راسه بالجزم بطلبه هو من كتر ما كان هيتجنن. لغاية - [00:31:36](#)

ما مات بضرب الجسم. عايزين نشوف نخد ايه وهو مروح عايزين ناخده معنا. وواحدة نازلين تحت التراب. يا اخوانا احنا عايزين نعرف لو ربنا مش معنا هنخسر قد ايه ولو ربنا معنا لما كان ربنا مع موسى ربنا شق له البحر الاحمر في لحظة. في لحظة والكوبري البري اتعمل. يا سلام! يا سلام على عظمتك يا ملك السماوات - [00:31:56](#)

والارض. لما ربنا كان مع سيدنا نوح ربنا بيقول ففتحنا ابواب السماء ابواب السماء. يعني مش ربنا بيقول مسلا نزلنا مطر من السحب ابواب سماء اتفتحت كلها على مصراعيها بماء منهمر. انت بتحس ان كل نقطة ميه نازلة كانت جندي من جنود الله واقف مستعد ومستني الباب - [00:32:16](#)

فتح والازن يصدر ينزل يطحن الناس دول. قوم نوح عليهم من الله ما يستحقونه. تحس ان كل جندي وهو نازل مش مطر منهمر من الجنود في جيوش الملك نازلة تصحى كل واحد ما عرفش ربنا. سبحانه وتعالى. ربنا لما كان مع محمد عمل له ايه؟ اول اية - [00:32:36](#)

في القرآن اول اية ربنا سبحانه وتعالى بيقول ايه ربنا شوفوا شوفوا كلام ربنا بيقول لسيدنا محمد اقرأ باسم ربك باسم اقرأ انا ما باعرفش اقرأ يا رب ما اعرفش اقرأ انا عمري ما قريت ولا كتبت - [00:32:56](#)

باسم ربك يعني ايه ؟ يعني ان النهاردة يا محمد يا ابن عبدالله ما عدتش هتتعامل مع الحياة بامكانياتك انت ولا بقدراتك انت ولا بطاقتك انت من النهاردة يا محمد يا ابن عبدالله ما دمت ماشي في طريقي وبتدعو الي وعائش عشاني وعارف عظمتي - [00:33:10](#)

ما عدتش هتتعامل معه بقدرات بقدراتك. مع الحياة بقدراتك. هتتعامل مع الحياة بقدراتي انا. بقدرتي انا سبحانه وتعالى. يعني ربنا فاتح الفرصة تعالوا لي تعالوا لي وعيشوا حياتكم بسم الله. اقرأ باسم ربك. اتعلمي باسم ربك. قمي الليل باسم ربك. التزم وتب باسم - [00:33:28](#)

ربك ما حدش يقول صعب. بسم الله بالله. بالاستعانة بالله. الله يخلي كل حاجة سهلة. بالاستعانة بالله الله يحول النار برضو وسلام. يا اخوانا اقرأ باسم ربك. انا عايزكم يا جماعة. انا عايز كل واحد فينا يحس هو محتاج ربنا سبحانه وتعالى قد ايه. هو ربنا سبحانه وتعالى ممكن يعمل له ايه في حياته؟ ضبعوه - [00:33:48](#)

بعوضة غلبت النمرود. النمرود الملك القوي اللي له جيوش وجند وملك وسلطة وصولجان. وهيلامان بعوضة دخلت غلبته ليه ؟ هي البعوضة تيجي ايه في النمرود ده يعمل كده يطحنها! لا - [00:34:08](#)

ده لو بقعدوا قصاد بشر. انما البعوضة دي ربنا هو اللي مديها القدرة والقوة. لو بعوضة بس بقدرة الله تهلك قعدة طغاة. جرثومة الطائرة نزلت على ابرهة بتاع الحبشة خلته زي عصف مأكول. اصغر ميكروب على وجه الارض محتاج يتكبر خمسين الف مرة. عشان يتشاف بالعين تحت - [00:34:23](#)

ميكروسكوب لو اتسلط على اعنى الفراغنة يخليه زي هشيم المحتظر. يخليه زي الهشيم اللي في حظاير المواشي وحظاير البهائم. ربنا قادر يا جماعة لما يبجوا دلوقتي يقولوا اسلحة اوروبا واسلحة امريكا واسلحة اليهود وصواريخهم يا مسلمين يا مسلمين اتقوا الله. يا مسلمين خافوا من ربنا. ده - [00:34:43](#)

بعوضة غلبت النمرود بعوضة ميكروب صغير غلب النمرود. انتم بالله تغلبوا الارض كلها. انا عايز اقول لك فوق انا عايز اقول لك

فوقى. انا عايز اقول لك ان مصدر القوة لو انت عايز قوة. مصدر القوة على الارض كلها عند الله. عايز قوة ولو انت مع الله تبقى مع مصدر قوة - [00:35:03](#)

مصدر الغنى على وجه الارض كلها هو الله. لو انت مع الله انت مع مصدر الغنى. مصدر العزة على وجه الارض كلها هو الله. لو انت مع الله انت مع مصدر العلم - [00:35:22](#)

ما يقدرش حد يزلك ولا جوزك يزلك. ولا اهل جوزك يزلوا. ولا حد في الدنيا يزلك. ولا اي حد يبهدلك. يا جماعة عارفين لما نقول مسلا ان الماية في مصر - [00:35:32](#)

بتيجي من النيل يبقى اللي عايز مية يروح للنيل يبقى ما فيش مية غير من النيل ما فيش قوة غير عند ربنا ما فيش عزة غير عند ربنا. ما فيش ما فيش قدرة ما فيش غنى. ما فيش اي حاجة انت عايزها في حياتك غير عند ربنا. كل اللي انت عايزه عنده - [00:35:42](#)

كل اللي انت عايزه عنده وما فيش اي حاجة من اللي انت عايزها عند اي حد غيره. سبحانه وتعالى. انا ساعات افكر كده ان الارض يقعد يقول لك سروات الارض - [00:35:59](#)

كنوز الارض واموال الارض سروات الارض ديت والله موضوع مضحك. لما تقرا كده مسلا في الجغرافيا يقول لك ثروات آآ امريكا ثروات اوروبا سروات انجلترا سروات كذا فيقول لك السروة الكزا والكزا وكزا الواحد يضحك ده كلها منك يا رب - [00:36:09](#)
كلها منك. السروة الزراعية ده دي من خزائن الله. الثروة المعدنية ده دي من جبال الله. الثروة البشرية ده دي من خلق الله. الثروة ده دي من ارض الله. الثروة الحيوانية. قال لها ده دي انعام الله. الثروة المائية ده دي امطار الله. يا رب - [00:36:24](#)
يعني كل السروات اللي عند الدول في العالم دي كلها منك انت يا رب يعني ما فيش مصدر دخل يقول لك مصدر دخل الدولة الفلانية من كزا وكزا وكزا. ما فيش مصدر دخل للكرة الارضية غير من خزائن الله - [00:36:44](#)

ما فيش. عشان كده سيدنا موسى لما وقف بين ايديه وقال له كان اللي دعاه على فرعون قال ربنا انك اتيت فرعون وملأه زينة واموالا انت اللي مديهم يا رب من خزائنيك يا رب. وانت اللي مدي امريكا وانت اللي مدي اليهود. ولو احنا رجعنا له هيدينا اللي ما ادهوش لحد - [00:36:57](#)

وهينصرنا النصره اللي ما نصرهاش لحد سبحانه وتعالى. بس نرجع للملك العظيم سبحانه وتعالى. نرجع لله الملك الجليل الملك الجليل سبحانه وتعالى واحنا عرفنا ربنا لو قدرة ربنا بقت معنا. لو واجهت الحياة بقدرته. لو انت واجهت حياة واجهت ابتلاءاتك ومشاكلك. بقدرة الله هتعرف ساعتها فعلا - [00:37:16](#)

يا ما انت قدير يا رب. رسول الله. حبيب الله خليل الله. كان يقف بين ايديه. لما يقف بين ايديه يقول له ايه؟ من احساس رسول الله مهما عظمته ثناء رسول الله على الله سبحانه وتعالى. رسول الله كان لما يتعرض لكرب او ابتلاء او مشكلة او ازمة كان بيقول ايه؟ شوفي بيقول ايه. لا اله - [00:37:37](#)

اله الا الله العظيم الحليم لا اله الا الله رب العرش العظيم لا اله الا الله. رب السماوات ورب الارض ورب العرش الكريم. ايه ده! هو الرسول كان بيقول كده ليه؟ كان بيدعي - [00:37:59](#)

ايه ده! هو فين الدعاء! ده ثناء! ده كله ثناء! هو فين الدعاء! يعني كأن رسول الله بيقول لربنا يا جماعة مشكلة ايه اللي تقف قدام عزمتك يا رب مشكلة ايه اللي تقف قدام جلالك يا ذا العرش العظيم يا رب - [00:38:15](#)

مشكلة ايه يا رب اللي ممكن تقف قدام جبروتك يا رب مشكلة ايه؟ كأن رسول الله بيقول لربنا مهما ابتليتني ومهما اسودت حوالي. قلبي عمره ما هينسى حبك ولا تعظيمك - [00:38:32](#)

ولا هيغفل عن حسن الظن بك ابدأ يا رب كأن رسول الله بيقول لربنا يا رب مهما ابتليتني ومهما الابتلاء ضاق علي. عمر قلبي ما هينشغل عنك يا رب. حاجة هتفتتف بزكرك وتسبيح - [00:38:47](#)

وتحميدك وتهليلك وتمجيدك. يا عظيم السماوات والارض. ابتلاء ايه؟ اللي ينسيني ذكرك. ابتلاء ايه اللي ينسيني عظمتك؟ ابتلاء ايه

اللي ينسيني نعمك يا الله؟ يا منت عظيم وكريم وحليم وغفور يا رب - [00:39:04](#)

رسول الله حبيب الله. يوم القيامة اول مرة هيشوف ربنا يا جماعة. لما الرسول عليه الصلاة والسلام يستأذن على ربه فيؤذن له. فيؤذن له. ده حديث صحيح يستأذن على ربه فيؤذن له. الرسول عليه الصلاة والسلام يؤذن له ان هو خلاص هينظر لربه. فالرسول عليه الصلاة والسلام بيقول فاقع ساجدا. يقع - [00:39:20](#)

يقع شوفوا كلمة اقع دي يقع واقع ساجدا في رواية صحيحة. الرسول عليه الصلاة والسلام بيقول فاسجد جمعة. انا يعني معزم الاحاديث كل الاحاديث اللي بقولها بازن الله محققة على تصحيح الشيخ الالباني. فيما عدا النادر بقى ان ما فيش بشر يقدر ان هو يضبط يعني بدون اي هفوة تخرج منه. فخدوا بالكم يا جماعة الرسول عليه الصلاة والسلام - [00:39:40](#)

فاسجد جمعة اسجد جمعة. الرسول يفضل ساجد اسبوع. اسبوع كامل ساجد بيثني على الله لاول مرة يشوف فيها ربنا سبحانه وتعالى. ربنا يقول له يا محمد ارفع رأسك بعد اسبوع النبي ما كانش هيقوم. ده ربنا هو اللي يأمره انه يقوم. ارفع رأسك وسل تعطى واشفع تشفع. رسول الله. كان كل يوم بيقول له - [00:40:02](#)

لا اله الا الله وحده. انا عايز كل كلمة كانها سهم بيحي في القلب انا عايز كل كلمة حبيب الله قالها نحس يا جماعة. الكلمة دي عزمته قد ايه؟ الكلمة دي خطورتها قد ايه؟ لا اله الا الله وحده شوفي كلمة واحدة دي - [00:40:27](#)

لا شريك له. ده موضوع ثاني خالص وكلمة تانية خالص. له الملك وله الحمد وهو على كل شيء قدير. واحدة لما تشوف مجموعة من الاخوات شبه بعض خالص تعرف ان ابوهم واحد - [00:40:44](#)

مصدرهم واحد لما تبص للكون كله تعرف ان العظمة اللي فيه كلها من اله واحد. الكون كله بيشاور باصبع التوحيد على ملك واحد. واحدة واحدة ربنا واحدة نجى ابراهيم من النار. واحدة شق القمر لسيدنا محمد. واحدة نجى سيدنا محمد من الغار. واحدة هناك جاية - [00:40:59](#)

تونس من بطن الحوت. واحدة شق البحر الاحمر لموسى. واحدة رتب ارزاق ستة مليار كائن على وجه الارض. غير المليون نوع من انواع الكائنات اللي خلاف البشر واحدة استجاب لدعوة الملائكة والبشر وكل الكائنات في الكون كله. واحدة شفى المرضى. واحدة رفع وخفض ورزق - [00:41:20](#)

وقبض وبسط وشفى وواحدة يا جماعة. واحدة خلق مليون نوع من الكائنات على وجه الارض. واحدة خلقت الشمس والقمر كل الكائنات واحدة كلمة واحدة ودي كلمة واحدة هو اللي بيمد الكرة الارضية كلها بالثروات اللي فيها. يا جماعة الارض عاملة زي دولة. الكل - [00:41:40](#)

الواردات اللي طالعة منها كل الصادرات اللي طالعة منها زنوب وكل الواردات اللي داخله فيها نعم. ياه للخزي يا وسوءتاه امام الله. لما الواحد يقابل ربنا كل اللي طلع له طلع لربنا منه زنوب. وكل اللي نزل من ربنا له - [00:42:00](#)

ياه وسوء اتواخذيها ان لم يرحمنا الله سبحانه وتعالى. يا الهي شف رسول الله واحدة لا شريك له. يعني ايه لا شريك له؟ لما طبعنا حرب طائفية في افريقيا سببها ايه؟ ان في اتنين حكام في البلد كل واحد عايز الحكم - [00:42:18](#)

اي حاكم لازم يبقى الوزراء وله محافظين وله مجلس شعب ومجلس شورى ليه؟ ما يقدرش يحكم ما يقدرش يبقى ما لوش شريك. ما يقدرش. ربنا بس اللي بيحكم الكون كله - [00:42:34](#)

بدون شريك. لما كلينتون مسك امريكا انتقدوه في الصحف الامريكية قال له كلينتون ازاى بيهتم ببعض الجزئيات المفروض يهتم بالاساسيات ان طاقة الحاكم ما تسعش غير الاساسيات. الملك العظيم الله ربنا بيرتب كل جزئياته وتفصيلات - [00:42:44](#)

وشؤون كبيرة وشؤون صغيرة في الكون كله يا جماعة. الملك لا يعزب عنه من مثقال ذرة. له مقاليد السماوات والارض. قادر على قلبك وعلى ناصيتك وعلى قلوب اعدائك وعلى نواصي اللي انت بتحبهم. ربنا قادر على كل شيء متحكم في كل شيء في كل ذرة.

وكل مجرة وكل نملة وكل حوت - [00:43:04](#)

كل دول عبيد وجندي في لحظة الامر بتجدهم امثل ما يكونوا. يا سلام يا رب يا سلام لا شريك له. ده من رحمة ربنا والله العظيم. لما

يعني لا اقول لك مسلا الورقة دي هتمضيها عشر امضاءات. طب الامضاء دي مينين؟ من الاوضة - [00:43:24](#)

طب والامضاء دي برضو نفس الاوضة. طب والامضة دي نفس الاوضة؟ والاوضة دي لما وحد لك المكان ما تلفش ما تتوهش ما تتعشب ربنا وحد وجهتك ووجهتك. قال لك انا بس انا بس اللي ترفعي لي ايدك. انا بس اللي تتضرع بين ايدي. انا بس اللي تناجوني.

فرينا - [00:43:41](#)

يا جماعة ارحمنا ووحد لنا الوجهة عشان ما نتوهش ما نتعشب ما ننزلش. ما نتوهش ما نلفش عشان يا جماعة نوفر عمرنا ونمشي في سكة واحدة واحدة بس وما حدش يحكمنا غيره. لان لا شريك له في حكم الكون. يبقى لا شريك له في حكم حياتك كلها. لا شريك له.

ده امر - [00:43:58](#)

الجراحين في العالم لازم ياخذ فريق عمل معه في العملية فامهر العلماء اللي خدوا نوبل لازم فرع عمل معه في الاختراعات بتاعته.

انما ربنا لا شريك له. له الملك. له الملك. له الملك دي. يا اخوانا كل - [00:44:18](#)

مخلوق على وجه الكرة الارضية رسالة رسالة مبعوتة لنا من ربنا. رسالة مكتوب فيها لو انت قريتها كل لوحة ابداعية في الكون. كل مخلوق ربنا ابدعه. رسالة ربنا بيقول لنا فيها انا الملك الجليل. شايفين قدرتي قد ايه؟ شايفين عظمتي قد ايه؟ شايفين رحمتي -

[00:44:31](#)

قد ايه؟ شايفين حكمتي قد ايه؟ فوقوا بقى. كفاكم غفلة. كفاكم زحب الغفلة اللي على بصانركم. كفاكم انكم ما انتمش شايفين جلالي وعظمته فوقوا بقى ياه رسايل كتير اوي وصلتنا من ربنا سبحانه وتعالى له الملك. هو مين اللي بيقول له الملك؟ الكون كله.

الكون كله بيقول يا رب انا بتاعك انت بس يا رب. انا لك انت بس يا رب - [00:44:51](#)

انا مش بتاع اي حد غيرك يا رب. الكون كله بيهتف بيقول له لك الملك يا رب. والكون كله بيهتف لك. وبيهتف فيك بعدد

اوراقها. كل بحر بيهتف فيك بعدد امواج وعدد اسماكه - [00:45:15](#)

كل جبل بيهتف فيك بعدد صخوره. كل مخلوق بيهتف فيك بعدد زراته كل ما جرب تهتف فيك بعدد اقمارها وشموسها وكواكبها. كل ذرة بتهتف فيك بعدد الكرونياتها. كل مخلوق اهتف فينا فوقوا من غفلتكم. فوقوا على عظمة مولاكم. اعرفوا ربنا عظيم قد ايه. ربنا

جليل قد ايه. ربنا مقيت قد ايه - [00:45:31](#)

ربنا هي اللي هتقفوا بين ايديه اعرفوه قبل ما تقفوا بين ايديه. عشان ما تقفوش بين ايديه تندموا انكم ما اعرفتوهوش قبل اللحظة

دي الوقت ما خلاص معرفته ما عادتش هتزد في مقامك حاجة. ياه ياه يا رب - [00:45:58](#)

لا اله الا الله وحده لا شريك له. له الملك وله الحمد. له الحمد مين اللي بيقولها؟ الكون كله برضو. الكون كله بيقول احمدك يا رب

الكون كله بيهتف بحمد الله. الكون كله اي والله العظيم. يا جماعة ده الشهب اللي بتنقض على الكرة الارضية سرعة الشهاب ثلاثين -

[00:46:12](#)

في السانية. عارفين يعني ايه ثلاثين ميل؟ ثلاثين ميل يعني قد سرعة طلقة الرصاص خمسين مرة يعني دي لو نزلت الارض كانت تبقى محرقة كلنا نتحرق فيها. بس ربنا عمل لنا الغلاف الجوي. عشان هو اللي يتحرق مش احنا. عشان الشهاب اللي يتحرق مش

احنا. فلك - [00:46:32](#)

وهو على كل شيه قدير. اما تقرا اول اية في سورة فاطر لما ربنا بيقول انه جعل الملائكة اولي اجنحة مثنى وثلاث ورباع قل يا رب طب مثنى انا ممكن اتخيل كائن له جناحين. رباعي طب ممكن اتخيل كائن له اربع اجنحة. انما ثلاثة ثلاثة طب ازاي؟ ما هو ربنا يريد

انك تقع في - [00:46:49](#)

دي ازاي هو قدرته مطلقة. عشان كده في اخر الاية انه على كل شيه قدير. قادر على كل شيه. عزيز عشان كلمة على كل شيه قدير

دفع ميت سنة من عمره. او كالذي مر على قرية وهي خاوية. شاف الجنس مترمية. طب يا رب انا يا يحيى هذه الله. فاماته الله -

[00:47:10](#)

مائة عام. دفع ميت سنة من عمره يا اللي مش عايزين تزلوا ليالي من عمركم تتقربوا بها الى الله. وتتعلموا فيها المناجاة رتلوا كتاب

الله عشان قلوبكم تتغسل. يا اللي مش عايزين تجاهدوا في عبادة ربنا عشان قلوبكم هي اللي تسمقكم له - [00:47:30](#)
قبل ما تركعي قلبك يركع. قبل ما تسجد قلبك يسجد. قبل ما لسانك يقول سبحانك قلبك يهتف سبحانك. قبل ما تجري وربنا برجليك
قلبك يجري ويسوقك لربنا. يا جماعة يا جماعة احنا عايزين نعرف وهو على كل شيه قدير. عزيز مية سنة مات - [00:47:47](#)
وبعد كده ربنا احياه. فلما تبين له تبين له ايه؟ تبين له كل حاجة. قد ايه ربنا قدير وحكيم وعظيم وجليل قد ايه ربنا ذو جلال واكرام
قال اعلم ان الله على كل شيه قدير - [00:48:07](#)

لي واحد صاحبي ربنا يبارك فيه ويستعمله لنصرة الدين. لما بيعدي على حد بيشر ب سجاير ولا ولد واقف مع بنت ممكن ما يكلموش.
امال بيعمل ايه يعمل كده يعمل بساطة كده للسماء. فلما ابقى ماشي معه ابص لوش العاصي احس انه اتجسس. ليه؟ بيقول له افتكر
اللي فوق - [00:48:23](#)

افتكر اللي مراقبك بس في ناس سبجارة اترمت تلاقي سبحان الله العظيم ربنا له سلطان على القلوب عظيم. حتى اللي بيعصوه
برضه. برضو اللي في قلوبهم خير لما بيذكروا به. عايزين يا جماعة - [00:48:43](#)
راجعين لك يا رب راجع لك يا رب وهو على كل شيه قدير يا من تعظيم يا رب كفانا غفلة عن عظمة ربنا سبحانه وتعالى كفانا غفلة عن
عظمته. قد ايه ربنا عظيم. قد ايه الملك سبحانه وتعالى عظيم - [00:48:55](#)

انتم عارفين عزمة ربنا قد ايه يا جماعة؟ عارفين اللي الكون كله سبح ليه؟ يا ترى الكون بيعبد ربنا ازاي؟ ما حدش سأل نفسه؟ يعني
ممكن يكون البحر الامواج بتاعته دي - [00:49:15](#)

تسبيحه يعني ممكن يكون الزرات الترددات اللي ملايين الترددات في السانية دي تسبجها. يعني ممكن يكون المطر ده تسبيح
السحاب يعني ممكن يعني ممكن يكون ايه؟ يعني يعني عبادة ربنا شكلها يعني ممكن يكون دوران الافلاك في مداراتها - [00:49:25](#)
تسمعها لربنا سبحانه وتعالى. يا ترى ربنا يا جماعة يعني عظمته نالت حتى ابسط شيه في الدنيا. ربنا ما نساكش جناح الفراشة انه
يزخر ان هو بيدعه. ما انساكش جناح هدهد واحد من وسط التسع تلاف نوع من انواع الطيور ان هو ينقشه ويبدعه - [00:49:41](#)
ربنا يا جماعة ما انساكش شيه سبحانه وتعالى. حتى لما كلنا هنموت وكلنا هنبقى تراب. والملايكة اللي موكلة بنا كلها تقبض روحها. وما
عادش فيه مخلوق ربنا لما بيعت تاني ما ينساكش بشر واحد - [00:50:01](#)

ولا ملك واحد سبحانه وتعالى لقد احصاهم واعدهم عدا. ربنا يا جماعة ما انساكش افقر مريض في غابة من الغابات محتاج شفاؤه
مش فيه. ما انساكش ابسط مخلوق في مجاهيل الارض انه يرتب له رزقه. ربنا ما ينساكش اوعوا اوعوا لما تعدوا قدام مخلوق صغير
ولا حاجة - [00:50:15](#)

استهينوا به اوعوا والله العظيم. حتى عالم الحشرات اعجاز لا يقل عن علم الانسان. لان ربنا عزيز اصل انتم عارفين اصل هو الانسان
عارفين لما يعني الواحد ساعات يشوفها مع مسلا بنت صغيرة الواحد يعمل حاجة يشيل حاجة فالبنت الصغيرة سنتين تلاتة تبص
بانهار كده ايه ده هو - [00:50:35](#)

في قوة ممكن تشيل الموضوع ده ودي حاجة عادية في قوتك. احنا لما بنشوف مخلوقات ربنا بنذهل بنبهر. هو يا جماعة هو يا
جماعة الحاجات دي مش صعبة على ربنا. كذلك الله هي دي قدرته سبحانه وتعالى. احنا زي الاطفال بنبص منبهرين انما الملك العظيم
الحاجات دي ما هيش صعبة - [00:50:53](#)

سبحانه وتعالى اي حاجة هيعملها هتطلع كده. معجزة من معجزاته. كل حاجة ربنا بيعملها معجزة. سبحانه وتعالى عظمة الله. يعني لما
تعدي جنب شوية حشايش طلعت جنب الرصيف بعد ما المطر نزل ولا ورقة شجر خضرا اوعى تعدي بالله عليك اقف - [00:51:10](#)
بالله عليك بالله عليك اقفي اوعى تفتكري ان دي حتة حشيش يا جماعة ده دي من جوة الوف التفاعلات الكيميائية جواها. ده دي
معجزة علماء الاحياء تاهوا في اعجازها يا جماعة. يا اخوانا ما نعيش نقف يا اخوانا - [00:51:28](#)

كفانا غفلة. كفانا غفلة عن اخطر موضوع يقلب حياتنا كلنا. والله العظيم. اخطر من الكلام على النار. واطر من الكلام على الجنة.
واخطر من الكلام على القبر وعذاب قبر نعيم القبر الكلام عن الله عن الله اللي جوة فطرتك معرفته مركوزة جوة فطرتك - [00:51:42](#)

الكلام عن الملك العظيم سبحانه وتعالى. ربنا هو الاول والاخر. يقول لك ان اول كل شئ يدل على الله. واخر كل شئ يدل على الله. دي من معانيها. اول الشجرة ايه؟ بزره والبزرة معجزة. واخر الشجرة ايه؟ سمرة والسمرة معجزة - [00:51:58](#)

بيقول لك ان اول كل شئ اول الانسان ايه؟ نطفة معجزة. واخر الانسان ذكر وانثى ومشاعر واحاسيس وانجازات وحضارات وزعل وفرح معجزة هو الظاهر والباطن. يقول لك ان ظاهر كل شئ يدل على الله. وباطن كل شئ يدل على الله. الشجرة المبدعة من برة منظرها تحفة - [00:52:14](#)

لما تشوف شجرة برتقان الوقتي والبرتقان طالع عليها تحس ان منظرها تحفة. من برة معجزة تدل على الله ظاهرها. طب وباطنها لما تشوف التفاعلات الكيميائية اللي جواها حط الورقة الشجر تحت الميكروسكوب. معجزة. يا ربنا مال الدنيا كلها جمال. الربيع جميل اوي اوي. تلاقي الدنيا كلها مكسية - [00:52:34](#)

الالوان وربنا بعث الارض كلها والاشجار كلها. طيب وفي الشتاء السماء بتبقى تحفة. تشاكيل السحاب مع القمر والشمس تحفة. طيب وفي الصيف الدنيا بتبقى تحفة. الحرارة بتنضق الثمار على على الاشجار. بتلاقي منظر مزارع الفاكهة تحف ربنا. ربنا ابدع كل شئ. بديع السماوات والارض. واللي كل ده ما - [00:52:54](#)

ما فيش حاجة في جمال الملك سبحانه وتعالى. الذي ليس له مثيل. يا يعني انا انا انا اللي قاعد قدامي دلوقتي وبياكل تفاحة. اللي قاعدة دلوقتي وبتاكل برتقانية او ماسك - [00:53:14](#)

انت عارف عشان الرزق ده يترزق لك ربنا عمل ايه؟ الكون كله اتقلب. اول حاجة في الرزق خلق الارزاق. التفاحة دبت ربنا عشان يخلقها قلب الكون والبناء الضوئي والشمس وكل حاجة اتقلبت عشان التفاحة دي. بعد كده تاني مرحلة تقسيم الارزاق ان التفاحة دي تتكتب باسم - [00:53:24](#)

لانك عملت طاعة معينة استاهلتي بها التفاحة دي تالت حاجة توصيل الارزاق. ازاى؟ التفاحة دي اتزرعت في امريكا. وانت في مصر التفاحة دي في مية ايد والى ايد هتتسخر تنقلها من ايد لايد. لغاية ما توصل عند الفكهاني اللي جنب بيتك. بييجي واحد يزورك - [00:53:45](#)

اشترى كيس فاكهة كيس تفاح عشان يدوا لك هدية. ينقي التفاح اللي من وهو طالع على الشجرة كان مكتوب عليه ان هو من رزقك. ويجيب التفاح تحطي التفاحة في بقك وهي مزروعة في امريكا بس مكتوبة لك. اية من آيات الملك العظيم سبحانه وتعالى. اية من آيات الله الملك الجليل سبحانه - [00:54:05](#)

وتعالى يا من تعظيم يا رب. يا من تعظيم يا رب. يا اخوانا يا اخوانا انا عايزك تعيش معي في حنة صغيرة من سورة ياسين سورة ياسين ربنا يقول ايه؟ واية لهم الارض الميتة احييناها. الارض يعني ربنا ملا الارض آيات - [00:54:25](#)

بعدها واية لهم الليل والشمس والقمر ده الجو. ربنا يبقى الاول ربنا قال لنا انه ملا البر آيات. وبعد كده ملا الجو آيات واية لهم انا حملنا ذريتهم في الفلك المشحون. وملى البحر آيات يا رب - [00:54:41](#)

يا رب انا ابص في الارض اشوف آياتك بهراني. ابص في الجو اشوف آياتك بتذهل قلبي. ابص في البحر اشوف آيات لا تحصى ولا تعد. طب بصوا يا جماعة بصوا لآيات ربنا في الكون. بصوا لآيات ربنا في البر لسة ما فقتوش - [00:54:57](#)

بصوا لآيات ربنا في البحر لسة ما فقتوش. بصوا لآيات ربنا في الجو. لسة الغفلة اسوارها محيطه بقلوبنا وقلوبنا مسجونة جواها. لسة يا جماعة واية لهم الارض الميتة احييناها كل تفاحة بتطلع من تحت الارض. معجزة كل حباية رز بتطلع من تحت الارض معجزة. صورة فوتوغرافية للارض - [00:55:12](#)

وهي لسة سودا وصورة فوتوغرافية للارض وهي خضرا وملونة مين اللي لون ومين اللي شكل ومين اللي طلع سبحانه وتعالى معجزة واخرجنا منها حبا فمنه يأكلون. القمح بقى رغيف عيش. احد السلف بيقول ورا كل لقمة عيش بتتحت في بقك يا ابن ادم - [00:55:32](#)

ربنا سخر تلتمية وستين صانع. اول واحد فيهم ملك ملك السحاب. والسحاب والشمس والقمر والدواب واخر ايد من التلتمية وستين ايد اللي صنعت لك لقمة العيش الخباز ياه! عشان كده ربنا بعدها بيقول سبحان الذي خلق الازواج كلها. سبحان الذي خلق! سبحان دي

يعني يعني تنزه! يعني ايه تنزه! يعني اللي يخلق كل ده لا - [00:55:52](#)

ممكن يكون انت لسة بتشك في قدرته؟ انت لسة بتشك في رحمته؟ انت بعد الكون العظيم ده لسة ما عرفتش هو قادر قد ايه؟ لسة ما عرفتيش هو جليل قد ايه؟ لسة - [00:56:18](#)

ما سجدش بين ايديه وانت بتقول يا ذا الجلال والاكرام. لسة قلبك ما هتفش وانت عايشة ليل نهار بتقولي يا رحمن. يا جليل يا قدير يا حسيب. يا وكيل يا عظيم يا الله. لسة يا جماعة ما عرفناش عزمة ربنا بعد كل ده. بعد كل اللي ربنا سبحانه وتعالى عمله لنا -

[00:56:28](#)

واية لهم الليل نسلخ منه النهار. فاذا هم مظلومون. والشمس تجري لمستقر لها. ربنا جعل للشمس تلتمية خمسة وستين مطلع وتلتمية خمسة وستين مغرب. كل يوم بتطلع من مطلع غير الثاني. سبحان الله! عشان كده رب المشارق والمغرب. كل يوم والقمر قدرناه

[00:56:48](#) منازل -

له تمانية وعشرين منزل بيعدي عليهم يوم ورا يوم. ما فيش مرة يتأخر عن دورته. كون الشمس ينبغي لها ان تدرك النهار ولا الليل سابق ولا ولا الشمس ولا الشمس ينبغي لها ان تدرك القمر ولا الليل سابق النهار. كل حاجة مترتبة يا اخواننا كل حاجة ازاى كل حاجة -

[00:57:08](#)

يعني يعني الارض مهما الحاجة بلغت سرعتها ما تخرجش عن سترة ربنا. الارض بتلف حوالين نفسها بسرعة الف ميل في الساعة في نفس اللحظة بتلف حوالين الشمس بسرعة خمسة وستين الف ميل في الساعة - [00:57:25](#)

في نفس اللحظة بتلف هي والشمس حوالين مجرة التبانة بسرعة اثناس الف ميل في السانية. وكوباية الماية تتحط جنبك ما تتهزش. ربنا مسيطر على الكون ما فيش حاجة. ومهما الحاجة يكبر حجمها ما تخرجش عن سيطرته. الشمس قد الارض مليون مرة. كتلة النار

[00:57:40](#) الملتهبة اللي جارية في الفضاء -

دي ازاى ما حرقتش اللي حواليتها! ازاى ما خبطتش في اللي حواليتها! المالك كله في فلك يسبحون. الملك مرتبها. المحيط الكوني ده والمجرات عاملة زي السفن بتجري فيها وقاعدة تلف وتسبح وتلف وتسبح وتلف وتقول سبحانك سامعين كلمة سبحانك وهي طالعة

[00:58:00](#) من كل ذرة -

سامعين كلمة سبحانك وهي طالعة من كل مجرة. سبعين كلمة سبحانك بقلوبكم وهي طالعة من كل نملة وكل حوت في البحر.

سامعين كلمة سبحانك كل اسد بيزهر بها. سامعين كلمة سبحانك قلوبنا بتهتف بها. يا جماعة يا جماعة ربنا لو واحد جاب طفل من

[00:58:20](#) الشارع كان مرمي في الشارع. جابه في بيته -

ونيمه في المطبخ هو انا جايبك من الشارع كفاية عليك اني اديك اوضة ولا نايم في المطبخ صح وابقى كريم اوي ربنا جابنا من سائل منوي ومن طين ولبسنا تيجان وبقينا ملوك وقعدنا في فلل وقصور وما قلناش كفاية عليكم. ازاى احنا نقول له كفاية عليه -

[00:58:40](#)

ازاي نقول له اتنين ونص في المية من اموالنا كفاية عليك ازاى نقول له ان الفرايض كفاية عليك؟ ازاى نقول له ركعتين نخطفهم

[00:58:59](#) كفاية عليك؟ يا جماعة ده احنا نقول له يا رب عمرنا مش كفاية عليك. روحنا مش كفاية عليك -

حياتنا كلها مش كفاية عليك. يا جماعة. يا جماعة اوعى حد يقول لربنا كفاية عليك. والله ما كفاية عليك. ابدأ اي حاجة. ولا عمرك ولا حياتك ولا اي شيه في حياتك - [00:59:12](#)

كلنا مش كفاية عليك يا رب. انت اغلى من حياتنا واغلى من روحنا يا رب قبل ما اسيبكم وقبل ما اختم حلقتي عايز اوصيكم كلكم.

[00:59:22](#) عايز اوصيكم يا جماعة انكم تيجوا لربنا بقلوبكم مش رجلكم -

اللي خطيبها مش قادر يعني عايز يلبسها النقاب وهي مش وهي لابساه عشانه اللي جوزها يبجبرها على الالتزام وهي مش عايزة ،

اللي بتشد جوزها الالتزام وهو مش عايز. اللي عشان اصحابه التزموا وهو ماشي وراهم بس يعني كلكم جايبين برجلكم - [00:59:34](#)

عايزين نيحي بقلوبنا عارفين اللي بينتكس بينتكس ليه عارفين اللي بيقع بيقع ليه؟ لانه جه برجليه مش بقلبه. تعالوا برجلكم يا

جماعة. اخر توصية باقولها لكم قبل ما اسبيكم سورة الرعد - [00:59:48](#)

سورة الرعد دي اسمها رعد بترعد في سماء قلبك عشان قلبك يرتجف. لما يسمع عن الله. سورة الرعد احد المفسرين قال انني كدت الا
افسر سورة الرعد. ليه؟ من كتر - [01:00:00](#)

ما في قلبي تجاهها مش قادر افسرها. مش قادر. بس في الاخر فسرنا على استحياء. ما هوش قادر. سورة الرعد بتتكلم عن جلال
ربنا وعلم ربنا قدرة ربنا وعظمة ربنا ونصرة ربنا واولياؤه. بتتكلم ان الرعد ده مخلوق يبسبح وبيهتف بتسبيح الله. وهو خايف من
ربنا. الراجل - [01:00:13](#)

احنا خايفين منه خايف من ربنا. سورة الرعد يا جماعة بتتكلم عن عظمة الملك في كل حاجة. عايز الليلة بقى ان شاء الله بازن الله.
كل واحد مننا يممسك صورة الرعد يفتح المصحف يقف - [01:00:33](#)

يصلي بين ايديه يسبحه ويثني عليه ويقرا اية اية يعرضها على قلبه ويغسل بها قلبه. لغاية ما يبجي بعد ساعة ساعتين يقول خلاص
راجع لك يا رب راجعة لك يا رب عرفنا جلالك وكمالك يا ملك الكون العظيم - [01:00:43](#)

عايزين يا جماعة نعيش مع صورة الرعد الليلة. من اسمها ذراع هيرعد في سماء قلبك. من اسمها دي هتحيي قلبك وبعد الرعد ينزل
المطر. مطر الايمان ينزل على قلبك يغسله يطهره ينبت بزره معرفة الله تنمو شجرة معرفة الله. يبقى قلبك جنة من جنات الايمان
ومعرفة الملك العظيم. نبدأ الليلة بسورة - [01:00:58](#)

رعد ان شاء الله تقومي بها الليلة. تقوم بها الليلة. بالله عليكم يا جماعة. بالله عليكم ما تبخلوش على قلوبكم بمعرفة الله. ما تبخلوش
على صحائفكم بان يتحط فيها حبكم - [01:01:18](#)

لله. وتعظيمكم لله. راجع لك يا رب. كان ده الموضوع بتاعنا الليلة. كان ده الموضوع اللي يتمنى ان هو يبقى شعارنا كلنا في حياتنا يا
اخواننا. ان احنا نبقي راجعين لك يا رب - [01:01:28](#)

اللهم تب علينا لتتوب. اللهم تب علينا توبة ترضى بها عنا. تب علينا توبة ترضيك. اللهم احى قلوبنا بمعرفتك. اللهم احى قلوبنا
بمعرفتك اللهم احى قلوبنا بمعرفتك. اللهم اهد قلوبنا. املاً قلوبنا نورا وصدورنا نورا وبصائرنا نور. ثبتنا على دينك حتى نلقاك -
[01:01:38](#)

استعملنا ولا تستبدلنا يا رب العالمين يا رب استعملنا في كل لحظة من اعمارنا في طاعتك. وفي السعي في مرضاتك يا رب العالمين يا
رب العالمين. يا اله الكون العظيم - [01:01:59](#)

عرفنا عظمتك يا الله. عرفنا عظمتك يا جليل. لا تنسنا ذكرك. ارزقنا ذكرك اثناء الليل وانا النهار. ارزقنا الا ننساك لا تنسانا ولا ننساك. يا
رب العالمين برحمتك يا ارحم الراحمين - [01:02:13](#)

سبحانك اللهم وبحمدك اشهد ان لا اله الا انت استغفرك واتوب اليك. وجزاكم الله خيرا - [01:02:30](#)